

15.  
16

CAELORVM POMPAE  
IN  
ASSVMPTAE DEIPARAE  
TRIVMPHO

A' R. P. D. Antonio Francisco Forte

*Clerico Regul. Congregationis Somaſchæ Sacerdote,  
in Colleg. Clementino de Vrbe Eloquentiæ Profefſore,*

ORATORIE, AC POETICE

EXPRESSÆ;

ET INTER ANNIVERSARIA SOLEMNIA

Anni M.D.C.LXX. Dici xvi. Auguſti

ibi celebrata.

Ab Adoleſcentibus Rhetoricæ Auditoribus

Voce, ac typis

PROPALATÆ.



ROMÆ, Typis Ignatij de' Lazaris. M.DC.LXX.  
SVPERIORVM PERMISSV.

CAELORVM POMPAE  
IN  
ASSUMPTAE DEIPARAE

FRANCISCO FORTE

A. R. P. D. Antonio Francisco Forte

Christo Regni. Congregationis Sodalitatis S. Cordis  
in Collegio S. Francisci de S. Francisco Professor

ORATORIE AC POSTICE

EX PARS 2. AE.

ET INTER ANNIVERSARIA SOLENNIA

ANNO M.D.C.LXX. DIEBUS AUGUSTI  
181. celebrata.

Ab Adolescentibus Rhetoricis Auditoribus

Voce, ac typis

P. R. O. P. A. L. A. E.



ROYAL LIBRARY OF THE UNIVERSITY OF TORONTO  
STAMPED IN 1871

SANCTISS<sup>MO</sup> DOMINO NOSTRO

CLEMENTI X.

PONTIFICI OPT. MAX.

COLLEGII CLEMENTINI CONVICTORES.



HÆ sydereæ triumphantis Eccle-  
siæ pompæ in festiuo Assumptæ  
Virginis triumpho non sine iure  
sublime tuum, B P, efflagitant pa-  
trocinium, qui summa populorum applau-  
dentium lætitia, ac tui nominis gloria verus  
Atlas Militantem sustines, ac tueris; qui do-  
mesticis redimitus Stellis ad Pontificale as-  
sumptus es culmen, Romanumque Capito-  
lium; qui sublimem super sydera mentem  
extollis. In tantæ festiuitatis luce nimiùm  
elanguescerent hebetata Clementini Collegij  
sydera, ni sex inter gloriosi tui stemmatis Pla-  
netas, qui septimus, Sol scilicet omni vir-  
tutum splendore conspicuus, effulges, beni-

gram illis tuae humanitatis lucem commu-  
nicares. Hanc sibi certo spondent à DECI-  
MO CLEMENTE, dùm ab Octauo funda-  
mentum, à Nono augmentum humanissimè  
acceperè. Prosequuntur in CLEMENTIBVS  
sibi faustam experiri CLEMENTIAM, & no-  
ua luce ab ALTERIIS syderibus acquisita, duo-  
decim syderibus emeritum ouanti Virgini  
fertur contexent in terris, vt olim Ioannes  
vidit in Cælis; ibique totidem triplici tuæ  
post longam annorum seriem tiaræ succe-  
dent.



## ORATIO.



Toualem Partheniæ Matris è  
 terrestri peregrinatione caelestem  
 in Patriam reditum festiuis an-  
 nuntiarem acclamationibus, &  
 maioribus, quantum humana  
 quirem ope, applausibus profe-  
 querer hac in anniuersaria celebritate ve-  
 strum, N N, panegyri adaucta selectus sum ephē-  
 bus, & indifertus Orator. Nosco, adeò il-  
 lustria, & præclara huius Solis a resurgentis fa-  
 cinora, & decora tenebris damnanda non esse  
 taciturnitatis; Sed quomodò Clementina sy-  
 dera, ne dùm hæsitantia Dicentis lumina tot  
 iuxta nitores opposita, non heberata langue-  
 scunt? Nosco Dei Genitricem perenni, ne dùm  
 annuo efferendam esse laudum tributo, quòd  
 humanam naturam super Angelicam exaltauit;  
 Sed quomodò in brevis orationis circulo illam  
 gloriæ amplitudinem exprimam, quæ incom-  
 præhensibilis super humanum effertur, & exten-  
 ditur ingenium? Ardua nimis est celsitudo per  
 humilitatem b acquisita, dùm adstat c Regina à  
 dextris Dei, & quamuis in vestitu deaurato, &  
 circumdata varietate mortalium fugit sensum,  
 nec intuitu corporeo, nec humano sermone po-  
 test circumscribi. Quin si regrederetur hæc Su-  
 namitis; a vt illam intueremur; vel non intro-  
 piceremus, quia omnis e gloria eius ab intus; vel  
 suorum oculorum intuitu cor nostrum ad lan-

a Cant. 6.

b Luc. 1.

c Psal. 44

d Cant. 6.

e Psal. 44.

*f Cant. 4.* guorem *f* usque dulcissimum vulneraret, & lin-  
 guam nōdo indissolubili deuinciret. At quid!  
*g ad Rom.* Oculus *g* non vidit, neque auris audiuit, neque  
 3. in cor hominis ascendit, quæ præparauit Deus  
 diligentibus se, atque Gignenti, & præ omnibus  
 diligenti. Vbi Arca hæc sacratissima non super  
*b 3. Reg. 8.* Cæribim<sup>us</sup> alas; sed Dilectum <sup>i</sup> suum innixa cæ-  
*i Cant. 8.* leste ingressa est Templum, *k* nebula impleuit  
*k 3. Reg. 8.* domum Domini totamque nobis triumphi pom-  
 pam abscondit. Cæli tamen illam non cælant,  
 & Pythagorico absque figmento, armonicis, igni-  
 tisque, syderum, linguis Rediuuæ Virginis glo-  
*i Psal. 8.* riam *l* enarrant, & opera manuum eius annun-  
 tiant Firmamentum. Ad suauissimos igitur cir-  
 cumactorum Cælorum concentus, & ad Firma-  
*ad Act. 16.* menti sydera oculos, & aures erigite mecum  
 gæulabundo, quod in emerito Amphitheatro  
 digna Mariæ facis erecta futuri: monumenta.  
*m Bal. 8.* Nam ita commune persoluemus officium, & su-  
 per terram erit Mariæ gloria, *n* sicut eleuata est  
 magnificentia sua super Cælōs *o* *p* *q* *r* *s* *t* *u* *v* *w* *x* *y* *z*  
 Emeritum quidem Capitolum, parque Am-  
 phitheatrum Cælum est trophæis tantæ Impera-  
 tricis de communium hostium ceterua gloriosis-  
 simè triumphantis; quibus capiendis angusta  
 nimium erat Arca telluris. Apprimè, vt vatici-  
 natus est Esdra, *ante faciem Firmamenti libri ape-*  
*n Cap. 6.* *riuntur*, & omnes multiformi vident imaginum  
 varietate, sydereisque characteribus concinna-  
 tum, expressum, distinctum quicquid ad Reginæ  
 nostræ attinet laudem, amorem, pulchritudinem,  
 & venerationem. Primigena enim ipsa genita-  
 lis mundi hora, Cælorum orbis corruptionis  
 nescios imperium venerabile Conditoris è nihili  
 sterilefcentis inanitate deduxit, vt eam, quæ ab  
 initio,

initio, & ante sæcula creata est & vsq; ad suu-  
 rum sæculū non desinet indeficienti seruo coro-  
 narent. Sphœricam illis impertitus est figuram  
 nullius compaginis indigam, finem nullum,  
 aut initium in suis partibus sentientem, vt Ma-  
 riæ corpus perfectissimum, corruptiuaque alte-  
 rationis expers clarissimè præsignarent. Magni-  
 tudinem illis quacumque terrea creatura; &  
 mole maiorem concessit, vt Matrem demon-  
 strarent suam, quæ, vt ait Bernardus; *Omnibus*  
*firmamenti. firmitus Firmamentum, quem Cali-*  
*capere non poterant cepit, & concepit; portauit;*  
*& non defecit.* Armonicam, & assiduam illis  
 præscripsit vertiginem, vt perenni suauitate con-  
 centus annuntiarent p̄ iustitiam eius; & mirabi-  
 lia eius confiterentur. Virtutes illis præsi-  
 dentes assignauit, quarum impulsu circumageren-  
 tur; Mariæ verò Virtutem Altissimi, quæ il-  
 lam obumbrans, ad illam impulit Creatorem.  
 Nec mirum, quia Virgo, vt Damascenus asser-  
 uit, *quæ animatam Cælum erat, super Calor debue-  
 rat collocari, & in Cælestibus exprimi, ac exal-*  
*tari.*

o Eccl. 24.

p Psal. 21.

q Psal. 88.

r Luc. 1.

122. 2.

122. 2.

122. 2.

122. 2.

Gen. 1.

p Psal. 88.

122. 2.

Cælum ideo varijs aureorum syderum figu-  
 ris calatum, & exornatum est luminaribus, quæ  
 diei præessent, & nocti, vt Virginis virtutes  
 spectandas offerrent, illarumque testes essent  
 in Cælo fideles. Non poterant Cæli tanta in-  
 apotheosi, & copia, & materie meliores exere-  
 re facies. Non poterant tantis in nuptijs Spon-  
 sæ Cælestis nobiliores accendere tædas. Non  
 poterant tot, tantisque in elogijs Mariæ descri-  
 bendis digniores adhibere characteres. Namq;  
 sydera (vt Græci testantur interpretes) pre-  
 ciosissimo ex auro sunt contexta; siue (vt do-



cut Plato) sunt lucis non intermoritura incen-  
dia. Si verò alij mala esse aurea defendunt,  
Virginis sanè à summo Paride destinanda erant,  
quæ speciosissima forma inter filias hominum  
effloruit.

Syderibus igitur septem, occasus inscijs Ar-  
cticum propè polum, & curulis sella illi concin-  
nata fuit, vel quia summos triumphi honores  
gerens ad Empyrium stellato deuecta est curru;  
vel quia degentis apud mortales Altissimi niti-  
dissimus exiit thronus; vel quia circa Deum  
veluti polum, Spiritus Sancti aura impellente,  
curru ad instar ab Ezechiële inter captiuos  
aspectati indefinenter se mouit.

Sed pluribus stellis exornata, & maiori splen-  
dore albescens sub oculos cadit via Galaxia;  
triumphalis symbolum callis, quem ad Pro-  
missionis patriam, & thalamum rectà perducen-  
tem hæc Sponsa cucurrit! Proh quantum luci-  
da inceserit via, quæ amicta æst lumine, sicut  
vestimento; atque ut candor lucis æternæ in-  
gressa est sedem beatitatis! Proh quantum exor-  
nata, & formosa fuerit, dum exprimenda in ea  
erant illius vestigia, quæ in admirationem rap-  
pere formositate potuerunt Sponsum ipsum di-  
centem.

*Quam a pulchri gressus tui in calcea-  
mentis Filia Principis!*

Calceamentis enim subtextit Lunam nitore  
adeò conspicuo plenam, ut spectatores omnes  
illius amore capti fierent absque somnijs. Endy-  
miones Lunamque sub pedibus ad illam quis  
ibit inscias, spectare sicut ante de Regum san-  
guine progeneratam, cum nobilitatis in signum  
eiusdem gestandæ inoleuerit consuetudo. Vete-  
res omnes apud Quirites? Nec ullus obijciat,

Pla-



Planetam istum terreis vndique defæcatum for-  
dibus; quas, (teste & Seneca) humore cū terreo *c. q. nat.*  
eius alimento exhaurit, à Virgine conculcan- *l. 2. c. 5.*  
dum fuisse, vt potè absolutissimæ tota candore  
innocentiæ, quam nulla labecula decolorat. Spe-  
culum enim est Luna, vt Philosophorum ante-  
signanus Pythagoras asserit, quod Virginalis  
decus ad viuū reflectit. Et quidem Lunam à  
Virgine nulla discretionē secerno; ni quodd illa  
uariatis vicibus crescit, & decrescit, hæc sem-  
per est incrementum gratiarum; Illa soror est  
Solis, hæc eiusdem, quamuis Virgo, sæcundissi-  
ma Parens.

Sol ideo stellati ærarij thesaurus, syderum do-  
tale patrimonium, totiusque naturæ ambitio, &  
vitalis origo in cælis emicat ad huius partus au-  
thoramentum. Perspicacioris tamen ingenij non  
interpello auctores, qui Virginei esse monitum  
paludamenti testantur; nam a Sole amicta in- *d Apoc. 12*  
eo felicitatis theatro Ioannis obtutui occurrit.  
Et sanè circumdanda erat Sole, quæ Solem lu-  
stitiæ circumdedit; atque in Sole collocanda,  
ea, in qua, velut in Sole, Deus posuit tabernacu-  
lum suum. Neque ijs refragor, qui Mariam *c Psal. 18.*  
exprimi crediderunt; Nam sicut Sol vniuersa  
Cæli lumina prærogatiua superat claritatis; ita  
Diuipara rationales creaturas splendore virtu-  
tis, ac scientiæ præcellit. Gyrum s enim Cæli, *f Eccl. 24.*  
vt cecinit, circuiuit sola, ibique mentis acie per-  
spicacissima, & excellentissima rerum omnium  
comprehensione abdita penetrauit arcana natu-  
ræ, & quicquid in Cælorum sublimitate celatur  
inexploratum, & inexplicabile.

Eodem vtinam modo ipse contemplari pos-  
sem reliqua huius triumphalis apparatus sydereæ

simulacra, vt melioribus ea coloribus vobis de-  
 linearem. Suscepta enim Prouincia infiniti est  
 operis, vt Ariadneæ coronæ indicat circulus,  
 2 Apoc. 12. illius nota, qui duodenis & compactus syderibus  
 b Cant. 4. Virginis ad illectamentum Sponsi de b Libano  
 progredientis tempera circinnauit: qui figura-  
 i Esth. 3. tam i Esther, vt super omnes mulieres gratam  
 exornauit. Sed quid asseris, arguit Bernardus?  
*Non stelle caput Virginis ornant, sed potius ornantur ab ea; dùm enim eius contingunt tempora, nouam consequuntur dignitatem.* Itaque & coma  
 stellata, Bereniceæ dicta, leuiter tantùm adum-  
 brabit Virginis crines luce plusquàm Phæbea  
 radiantes, & multiplici Latinarum mulierum  
 capillitio præclariore; dùm ex illis vnus ama-  
 biliter super collum defluens vulnificum amoris  
 k Cant. 4. iaculum in sponsi k cor valuit euibrare.

Idèd ne sagitta inter signa sydereæ radianti  
 adeò lumine conspicua coruscat? An quia for-  
 titudo, i & decor est indumentum eius? An quia  
 m Luc. 2. in luctuosa Filij catastrophe illius m cor per  
 transiuit, sed potius vitali, non lethali vulnere  
 morituram Virginem confecit, à Morte quam-  
 uis ei aculata? An quia Diuipara ocior telò  
 scopum illum ferit beatitatis, in quem eius  
 vota indeficienter collinearunt? An quia, ve-  
 nustus de more sagittarum corona redimita  
 n 1. leg. 2. conscendit? An quia Fortium n arcus hac ab  
 intemerata Virgine superatus cùm sit, & sagit-  
 o Psal. 90. ta o in die volans contula in victoriæ monu-  
 mentum scintillat? Ità ptorsus; Et quia hære-  
 ses sola interemit, infernalis turmæ temeritatem  
 elisit, atque non Apollo fictitijs, sed electa verè,  
 p Cant. 4. vt p Sol, tenarij Pithonis insolentem audaciam  
 fregit, conatus improbos deturbauit, virulenta

visce-

viscera cruentavit; Vnde *Spiritus* 1 eius hoc tro- 1 Iob. 26.  
phæo ornauit celos (vt cū Patientissimo loquar),  
& obstetricante manu eius eductus est coluber tor-  
tuosus, qui ad perenne tanti facinoris monumen-  
tum inter alia signa coruscat.

Sed quis numerabit multitudinē stellarum, Gen. 3.  
& omnibus eis nomina vocabit, è quibus possunt  
Mariæ dotes præclarissimæ coniectari? Hic pro-  
pè colubrum receptum s est vas in Cælo, vt eam f Act. Ap.  
vas indicet electionis. Illic lucidissimus emicat 10. 16.  
Fons radiorum progressu mirificè amplificatus,  
vt Mariam exprimat Fontem hortorum signa-  
tum, & aquæ salientis in vitam æternam, cuius Cant. 4.  
hodiè impetus lætificat Ciuitatem Dei. Hic u Ioan. 4.  
volucrum Regina fulgurat; Nām Mariæ da- x Psal. 45  
tæ sunt alæ Aquilæ magnæ, vt earum librata ꝛ Apoc. 2.  
nisu citior Iustitiæ solem reuiferet. Illic Cy-  
cnus effulget. Nām Mariæ obitus gaudio fuit  
plenus, & suauitate, cū vox eius dulcis au- a Cant. 2.  
ribus sonuerit sponsi, vt iam concupiscenti ani-  
mo efflagitarat. Quid plura?

Omnes operuit Cælos gloria tua, trium- b Psal.  
phans Imperatrix, & dū sena DECIMI  
CLEMENTIS sydera tibi præclarissimum  
effingunt sertum, laude tua iam plena est terra,  
quæ rapta extra se mente, haud lingua emblema-  
tica tot tui trophæa percurrit. Te iuuat, vt im-  
posterū eorum sequentes ductum sempiternæ  
felicitatis domicilium tecum petamus; Nām &  
nos ijs addita sydera, ibi perennem ad tui glo-  
riam effulgebimus. Plaudite; hoc sponder ex  
tali astrorum compositione, & aspectu deductum  
apotelesma. Dicebam.

# CARMEN.

**S**yderæ pompas Arcis, monumenta decoris,  
 Et superæ nixus adamantina signa Parentis,  
 Grata Viris spectacula, formidata Profundo,  
 Thermoodontiæ quæ non retulere phalanges  
 Innumeræ, haud æquat Rhodiense Colossus in ora,  
 Seu Capitolini residens in culmine Templi,  
 Pyramis aut splendens crebris Memphisitica gemmis,  
 Nullaque Cæsareæ solemnia prodiga pompæ,  
 Ergò rapis totos æstrum nunc dicere sensus?  
 Quis ne triumphales altæ Thaumantidis arcus  
 Versicoloratos, stellantes atque curules,  
 Ornamenta rotæ phæbeia, lacte notatos  
 Calles, quos superant victi temone iugales  
 Bellerophontheas æquantes cursibus alas,  
 Etsi frœnet Amor varijs Auriga lupatis;  
 Schemata, sydereasque notas, superùmque coronam:  
 Quis ne tuos acie, Virgo, constante valeret  
 Cernere fulgores; quòd inexorabile pacto  
 Nostra beatificæ declinant lumina sedes?  
 Castalio mentem tollas super astra cothurno  
 Indignantem humili tectam procedere socco  
 Vranie; tanti pandas arcana triumphi,  
 Viribus humanis aptos expone nitores,  
 Ut valeam factus oculatus dicere testis.  
 Longa retrò series rerum, quas Filia luctis,  
 Cælorum Regina potens, terræque iacentis  
 Alma Gubernatrix, Mater labentis & æui  
 In se prævidit Sapiencia provida Nostri  
 Ante tenebrosi primordia turbida Mundi,  
 Naturæ Chaos, indistinctas atque Chimæras.  
 Vidit fæmineo damnandas crimine Gentes  
 Carceribus Phlegetonteis; ac Virgine Cælo

Resti-



Restitui patrio, Iesse quæ celsa propago,  
Impuri tactus, hymenææ & nescia labis  
Sponsa, Parenisque sui foret, etsi Numine nata;  
Quæ vixitrix Acherontem pede sola Draconem  
Contereret, stygias debellaretque phalanges.  
Ergò, inquit, meritum iusta quæ lance rependo,  
Non mihi Tartareis Virgo decorata trophæis  
Est super æthereas nulla ducenda curules  
Emerita pompa? Nequaquam. A fluctibus ignem,  
Aera ab igne, solum limphis, à fontibus æquor,  
Flumine torrentem, terris terram, aera vento,  
A tenebris lucem, phæbeum à luce calorem,  
A flammis flammâs distinguens, omnia Cæli  
Conuexu circumscribam, quod sydera, Phæbus,  
Artifices radij, splendescentesque pyropi,  
Et vario simulacra ferentia lumina vultu,  
Stemmata millenis interlucentia stellis  
Ornabunt, reddentque meæ per sæcula Matrison,  
Nomen perpetuum, & toti venerabile Mundo,  
Dùm amphitheatralem spectabit in æthere pompam,  
Quæ micet æternos inter præstantior ignes,  
Sentiat haud hyemes, rabiemque volubilis æui.  
Dixerat, & Phaëtonceas iam lumine flammâs  
Innocuo Cælum pandebat, signa triumphî,  
Indefecturas thalami tædasque pudici.  
Non oculos, & opes picta Iunonius ales  
Explicat in cauda, totidem seu turgidus orbes  
Componit, totidem flores non educat Aetna,  
Collis & Hyblæus succosâs exerit herbas,  
Nec pelagi littus totidem demonstrat arenas,  
Quot monumenta, noræque micant, præconia Diuæ.  
Hic micat Arctoo primùm sub cardine currus  
Parrhasius scythicon equiens se mergere ponto,  
Numinis obijciens Mariam sedem esse curulem.  
Illic lacte nitens millenis sternitur astris

Semi-


Semita, quam meritò percurreret illa decore,  
 Dùm peteret Superos, decretaque testâ Tonantis.  
 Hic Dictynna ferens fraternos orbe nitores,  
 Vt duo submittat famulantia Cornua plantis  
 Virginis, antiquamque probet de more Quiritum  
 Nobilitatem. Illic lucis Pater, vt rediuiuæ  
 Matris membra coruscanti præcingat amictu,  
 Internosque animi fulgores exprimat orbi.  
 Hic biffena suæ concinnant sydera sertum  
 Regina, redimuntque sacros iam lumine crines.  
 Illic Cycnus adest moribundo gutture fundens  
 Dulce melos; Etenim grati suspiria Amoris  
 Emittens animam cupidis ea reddidit altris.  
 Hic auium Regina volans; nam detulit alas 2. Apet. 2.  
 Illius, vt rectâ peteret velocior astra.  
 Illic innumeri tudentes lumina luce  
 Arcus, inscripti numerofo emblemate laudis.  
 Et tandem, vt speculum candore notabile Cælum,  
 Fert variam rerum seriem, nostrisque figuras  
 Pandit inaccessas oculis, quæ fingere lusus,  
 Et Choreas, grataque perennant psallere voce.  
 Ergò quid referam? meliùs taceam. Astra loquuntur  
 Ignitis linguis spectacula tanta triumphì.  
 Cantebam.



# EMBLEMATA


## ARIES I.

**N**E monumenta ferant vigilantum somnia Vatum  
 Vellere de fuluo, quod micat igne poli.  
 Non Athamanteas ditauit pondere gazas,  
 AEetæ pretio haud Colchica regna suo.  
 Hellespontiacas nunquàm pertransijt vndas,  
 Aut AEeteis víctima Cæsa Dijs.  
 Hoc *vellus* præfert Mariæ, quod *roris ad instar*. *Psal. 71.*  
 Intumescit idem Numen ab axe cadens;  
 Quodque beatificis sacratum sæpiùs aris  
 Inferitur Cælo, vt Victima grata Deo.



## TAVRVS II.

**E**Rgò Tonans Europæo gauisus amore  
 Impuri facti dat monumenta Polo?  
 Hæc deliramenta procul, procul este Profani;  
 Sydereis nosco facta pudica notis.  
 Taurus hic in Mariam Verbi portendit amorem  
 Enati, Tauro diminvente gelu.  
 Et memorat sanè Genitricis ad æthera Raptus,  
 Cornu & Amaltheæ, quod regit illa Viris.



**D** Esine Taygeti natos sub vertice montis  
 Credere Tyndaridas sydera facta duo.  
 Euehit ad calos nec inexpugnabile robur,  
 Indomitique recens nec moderamen equi;  
 Fictaue fraternæ concessa redemptio mortis,  
 Ast ergà superos inuariatus amor.  
 Mutuus hic Christi dilectæ siue Parentis  
 Sedem promeruit, vel simulacra Poli  
 Hac mundi niteant agitato fluctibus astra,  
 Curis nam pulsis tempora læta ferent.

Cant. I.



## L E O I V.


**Q** VO nam iure putas Nemei simulacra Leonis  
 Herculeæ perijsse qui furiale manu?  
 Roboris hoc clarum Mariani nosce trophæum,  
 Quod meritò radiat sydere multiplici.  
 Nam Leo Davidicus iustas effusus in iras  
 Hac media vitam pertulit, atque necem.



VIR.



**N**ON hæc Virgo solum declinans, accola Cæli,  
 Auroræ partus, Iustitiæque Dea.  
 Quæ ne deijcerent coniurati axe Tonantem  
 Fratres, constructum prouida vertit opus;  
 Vnde coruscantes meruit contexere stellas  
 Vestibus, illustris Solis & esse Domus.  
 Virginis at Iesse fulget venerabile signum,  
 Iustitiæ Solem quam coluisse patet.  
 Aethere quin forma Numen detraxit inerme,  
 Vt terrâ genitis traderet astra Viris.




## LIBRA VI.

**A**nnificos inter rutilans resplenduit ignes  
 AEque signum cui clara figura Libræ.  
 Non vt temporibus proponeret aqua diurnis  
 Nocturna, æstiuos diminuendo dies;  
 At ferret Mariam Mortalibus addere lucem,  
 Et stygias tenebras exrenuare Soli;  
 Immò beatifici fundentem lumina Solis  
 Mentibus æthereis æquiparare Viros.



**I**Nter Cælorum pompas per inane micantes  
 Sydereæ effigies Arcitenentis adest.  
 At non AEmonio vibrantem spicula neruo  
 Thæssaliæ geminum denotat illa Senem.  
 Matronis sed Amazonijs, Latijque Mariam  
 Crine magis gnauam tela vibrare sua.  
 Non etenim multis iaculatur tela Capillis,  
 Ast vno Sponsi pectora Crine ferit.


Cant. 4.




---

 ARIADNAEA CORONA VIII.

**O**Rbe triumphato scandat Capitolia Cæli  
 Pes Mariæ, ornetur syderibusque Caput.  
 En stellis distincta micantibus axe corona,  
 Quam sumpsit Bromiò Cressa puella Deo.  
 Vt labyrinthis eduxit Thelea claustris,  
 Ac Minotauro dilacerante homines.  
 Dùm Virgo stygij deludis Monstra bārathri,  
 Pendet & à te cœlestamine vita Virum;  
 Digniùs athereo redimuntur tempora fertò;  
 Quin esset totus iusta Corona Polus.



**H**Vnc alij vigilem confirment esse Draconem  
Herculeo stratum robore in Hexperia .

Seu quem Terrigenæ pugnanti offerre Mineruæ

Sunt ausi cristis, oreque terrificum,

Somnia cognosco Varum fallacia; vera


Dicta perennibus hæc sint memoranda libris:

Palladis hoc nostræ scintillat in axe trophæum,

Contriuit stygiam nam pede Virgo feram.

Siue triumphanti stellatus Iaspis, & Aspis,

Vt Pharijs Ducibus nunc diadema struit.



C Y C N U S X.

**H**IC niue candidior, phæbeo lumine plenus


Anser Amycleus non sacer est Veneri,


Sed Mariæ; tristi si hilaratur funere Cycnus,

Et moribundo dat gutture dulce melos.

Mater oloriferum Christi, fert corde nitorem


Vitali letho lætior estque suo.





*Imprimatur,*  
Si videbitur Reuerendiss. Patr. Mag. Sac. Pal.  
Apost.

*I. de Angelis Arch. Vrb. Vicesg.*



*Imprimatur,*  
Fr. Hyacinthus Libellus Sacr. Pal. Apost. Mag.

